

Reykjavíkurborg kt. 530269-7609 og Knattspyrnufélagið Þróttur kt. 470678-0119
gera með sér eftirfarandi

Samkomulag

Um

Rey Cup

Alþjóðlegu knattspyrnuhátíðina í Reykjavík

1. gr.

Markmið samkomulagsins er að þróa áfram alþjóðlegan íþróttaviðburð í Reykjavík sem fari fram árlega. Byggt skal á þeim grunni sem lagður var árið 2002 með tilurð Rey Cup Alþjóðlegu knattspyrnuhátíðarinnar í Reykjavík („Reykjavík International Football Festival“). Um er að ræða aldurshópa 13 til 16 ára unglinga, drengi og stúlkur. Leiði þróun Rey Cup til þess að samningsaðilar telji að þátttaka annarra aldurshópa styrki viðburðinn þarf samþykki beggja aðila til að gerð sé slík breyting.

2. gr.

Reykjavíkurborg leggur Rey Cup til styrk og/eða aðstöðu eða aðra aðstoð samanber eftirfarandi:

- 2.1 Reykjavíkurborg útvegar húsnæði fyrir keppendur í skólahúsnæði í samráði við SFS. Þróttur útvegar allt starfsfólk og gæslu meðan á mótinu stendur og skilar húsnæðinu í sama ástandi og þegar við því var tekið. Tveimur mánuðum fyrir mót skal Þróttur senda lista yfir áætlaða gististaði og áætlaðar gistinaður og þarf hann að vera samþykktur af ÍTR.
- 2.2 ÍTR gerir samning við SFS eða hvern þann skóla sem notaður er fyrir gistingu og greiðir viðkomandi skóla gjald fyrir afnot af skólanum vegna Rey Cup.
- 2.3 Reykjavíkurborg mun veita aðgang að mannvirkjum í Laugardal eftir því sem kostur er til að mæta vexti og viðgangi Rey Cup.
- 2.4 Öllum þátttakendum er boðið í sund í Laugardalslaug mótisdagana og í Fjölskyldu- og húsdýragarðinn þar sem jafnframt er haldin grillveisla á laugardeginum.
- 2.5 Útvegar geymsluaðstöðu fyrir tæki og annan búnað Rey Cup.

3. gr.

Þróttur skal kynna sér mannréttinda- og jafnréttisstefnu Reykjavíkurborgar og fylgja þeim. Þróttur skal jafnframt veita upplýsingar um þátttöku í mótinu eftir kyni sé þess óskað.

Þróttur skal ávalt láta þess getið að í öllu kynningarefni á vegum Rey Cup að félagið hafi hlotið styrk frá Reykjavíkurborg og skal auðkennt með merki Reykjavíkurborgar

4. gr.

Þróttur tekur að sér að skipuleggja og reka þennan viðburð fyrir innlenda og erlenda þátttakendur og gesti í Reykjavík, útvegar starfsfólk og sér um tæknilega útfærslu, skipulag og framkvæmd á knattspyrnuhátíðinni. Rey Cup er sjálfstæð rekstrareining innan Þróttar og skipar aðalstjórn félagsins sérstaka stjórn Rey Cup. Stjórn Rey Cup, í umboði aðalstjórnar, fer með ábyrgð á skipulagi, framkvæmd og rekstri Rey Cup auk þess að að fara með yfirumsjón með viðburðinum þ.m.t. mönnun nefnda og starfshópa svo og starfsmannahaldi. Rey Cup aflar sér frekari fjár til rekstrar með framlögum frá fyrirtækjum og ber ábyrgð á fjárhagslegum rekstri þess.

Rey Cup ber ábyrgð á samningum við aðra aðila svo sem vegna snyrtinga, gáma, fæðis, hótela og strætisvagnaferða.

5. gr.

Heildar fjárframlag Reykjavíkurborgar á ári til Þróttar vegna Rey Cup er kr. 4.000.000,00,-

Að auki leggur Reykjavíkurborg til aðra þá þætti sem fram koma í 2. gr.

Fjárveiting er með fyrirvara um fjárhagsáætlun Reykjavíkurborgar ár hvert.

6. gr.

Umfang mótsins ár hvert miðast við að þátttökulið verði 80-90 lið með um 1200 – 1400 þátttakendum auk 160-200 þjálfara og fararstjóra. Þátttakendur gista í fimm grunnskólum og frístundaheimilum umhverfis Laugardalinn. Markmiðið er að nær öll keppnin fari fram á svæði Þróttar í Laugardalnum.

7. gr.

Gildistími samkomulags þessa er frá 1. janúar 2022 til 31. desember árið 2024.

Á gildistíma samkomulagsins er stefnt að því að halda Rey Cup sem hér segir:

2022 – 20. til 24. júlí miðvikudag til og með sunnudags

2023 – 19. til 23. júlí miðvikudag til og með sunnudags

2024 – 24. til 28. júlí miðvikudag til og með sunnudags

Aðilar eru sammála um að til greina komi að breyta dagsetningum eða öðrum ákvæðum samningsins ef ástæða þykir. Til að slíkar breytingar geti tekið gildi þarf að koma til samþykki beggja aðila að samningi þessum.

Þróttur skal skila ÍTR sérstökum ársreikningi ár hvert vegna Rey Cup.

Gert er ráð fyrir að samningurinn verði endurskoðaður í lok samningstímans með áframhaldandi samstarf í huga og verði því lokið eigi síðar en 30. september 2024.

8. gr.

Vanefndir og meðferð deilumála. Reykjavíkurborg áskilur sér rétt til að rifta samningi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu Þróttar. Telji annar samningsaðili sig ekki geta uppfyllt ákvæði samnings þessa skal tilkynnt um það tafarlaust skriflega. Ef fjárframlag frá Reykjavíkurborg er notað í öðrum tilgangi en samkvæmt samningi þessum eða á þann hátt að gengur í berhögg við markmið og stefnu hennar áskilur Reykjavíkurborg sér rétt til að rifta samningum og/eða krefjast endurgreiðslu framlagsins að hluta eða öllu leyti þegar í stað. Rísi mál vegna samningsins skal það rekið fyrir Héraðsdómi Reykjavíkur.

Reykjavík, .nóvember 2021

F.h. Reykjavíkurborgar
ÍTR

F.h. Knattspyrnufélagsins Þróttar